



Bou ons kinders vir môre

Godsdiensonderrig 2

Lestitel: Jesus wek die dooies op

'n Ouerhandleiding

Sondagskooltuisonderrig



Liewe Ouer

Welkom by die les: “**Jesus wek die dooies op**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	<p>Versamel die volgende hulpmiddels om te verseker dat u vir die les gereed is:</p> <ul style="list-style-type: none">• Bybel• Die les in PDF-formaat wat reeds voorberei is• Kind se werkboek, potlode, kryte, ens.• Die kort video, wat 'n addisionele / opsionele hulpmiddel is• Kategismus in Vrae en Antwoorde (veral vir Konfirmasie) <p>Nota:</p> <p>2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou.</p> <p>2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie.</p> <p>2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)).</p> <p>2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.</p>
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Jesus wek die dooies op
Bybelwoord	Lukas 8: 40-56; Lukas 7: 11-17 en Johannes 11: 1-44
Lesdoelwit	Die kinders leer dat Jesus mag het oor die dood.

Lesopsomming:

- Jesus het baie spesiale wonderwerke gedoen, onder andere die wonder van die opwekking van die dooies.
- Hy het dit by die volgende drie verskillende geleenthede gedoen:
 - Die dogter van Jairus is dood net voordat Jesus daar aangekom het - lees Lukas 8: 40-56
 - Die jongman van Nain is opgewek nadat hy na die graf geneem is - lees Lukas 7: 11-17 en
 - Lasarus is opgewek nadat hy vier dae dood was - lees Johannes 11: 1-44
- Jesus het sy mag oor die dood getoon deur dooies op te wek ongeag wanneer die dood ingetree het.
- Dit bevestig dat Jesus weet wat die regte tyd is om op te tree.
- Jesus het 'n spesifieke doel met die opwekking van die dooies gehad, naamlik om almal te leer dat:
 - o Hy die Seun van God is
 - o Geloof in Hom die onmoontlike moontlik maak
 - o Hy die ewige lewe is en vir ons almal ewige lewe wil bring
 - o Ons toegang tot die ewige lewe, deur die wedergeboorte met water en die gees verkry het
 - o God se woord, wat ons in geloof aanneem, en die Heilige Nagmaal ons versterk en ons voorberei op die ewige lewe.

Wat beteken hierdie les vandag vir ons?

- Jesus is die Seun van God
- Jesus het wonderlike hemelse magte, selfs oor die dood. As Hy die dooies kon opwek, het Hy die mag en die krag om die onmoontlike in ons lewens moontlik te maak.
- Hy het vir Jairus gesê dat hy net moet glo. As ons in Jesus glo sal ons nie vrees nie en ons vertrou in Hom sal sterker word.



- Die les leer ons dat die aardse lewe nie so belangrik is as ons geestelike lewe nie. Ons moet dus meer daarop fokus om ware kinders van God te word en ons op Jesus se wederkoms voor te berei.
- God se woord, wat ons in geloof aanneem, en die Heilige Nagmaal versterk ons en berei ons voor op die ewige lewe.

Doen oefening 1, 2 en 3 saam met u kind.

Sommige vrae wat ons kan vra:

1. Hoeveel mense het Jesus uit die dood opgewek?

Antwoord: Drie mense

2. Waarom het Jesus so lank gewag voordat Hy na Betanië gegaan het om Lasarus op te wek?

Antwoord: Hy wou dit vir mense duidelik maak dat Hy die Seun van God is.

3. Wat is die name van Lasarus se susters?

Antwoord: Maria en Martha

4. Hoeveel dae was Lasarus in die graf?

Antwoord: Vier dae

5. Lees Johannes 11: 25. Wat bedoel Jesus wanneer Hy sê: "Al sterf hy, sal hy lewe."

Antwoord: Jesus het verwys na die ewige lewe. Hy wil ons almal na die ewige lewe lei.

6. Wat is 'n voorvereiste om die ewige lewe te kan verkry?

Antwoord: Ons moes die wedergeboorte met water (Heilige Doop) en Gees (Heilige Verseëling) deurmaak.

'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders, Mag ons u teenwoordigheid aanvoel

Seën die les wat ons gaan hê, Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen